






Izveštaj o realizovanim aktivnostima Turističke zajednice ZDK na području Kantona u 2005. godini

Aktivnosti Turističke zajednice ZDK u 2005.godini odvijale su se prema Programu rada za 2005.god. usvojenom na Skupštini TZ ZDK, prema odlukama Turističkog vijeća i pozitivnim zakonskim propisima.



Rad Turističke zajednice se najbolje može sagledati kroz analizu rada Skupštine, Turističkog vijeća, Predsjednika, Nadzornog odbora i Turističkog ureda.

U 2005.godini održana je jedna sjednica **Skupštine TZ ZDK** i to redovna treća sjednica. Sjednica Skupštine Turističke zajednice Zeničko – dobojskog kantona održana je 25.05.2005.godine na odmoristu «Bistričak» na Bistričaju kod Zenice.

Na ovoj sjednici razmatrani su:

-  Izveštaj o radu Turističke zajednice ZDK za 2004. godinu,
-  Izveštaj o ostvarenim prihodima i rashodima Turističke zajednice ZDK za 2004.godinu,
-  Izveštaj sa sjednice Nadzornog odbora o izvršenom nadzoru za 2004.godinu
2003.god.

Na istoj sjednici usvojeni su:

-  Plan prihoda i rashoda Turističke zajednice ZDK za 2005. godinu,
-  Program rada Turističke zajednice ZDK za 2005. godinu.

Na sjednici Skupštine, Direktor Turističkog ureda TZ ZDK gospodin Omer Čabaravdić upoznao je prisutne sa radom Turističke zajednice ZDK u 2004.godini.

Prije svega, konstatovao je da je ovo peta godina od osnivanja Turističke zajednice ZDK.

Početak rada Turističke zajednice je bio dosta težak kao i svaki početak, međutim, danas je situacija dosta stabilna jer su i turističke zajednice dobile određeni status.

Ukidanjem općinskih turističkih zajednica, Turistička zajednica ZDK je formirala podružnice, a svaka podružnica ima svog ovlaštenog predstavnika koji je zadužen za provedbu programa rada u svojoj općini, a u općinama u kojima nisu formirane podružnice, aktivnosti TZ ZDK se obavljaju putem skupštinskih delegata, koji su ovlašteni predstavnici u svojim općinama.

U 2004.god., aktivnosti su se obavljale prema usvojenom programu rada i u okviru raspoloživih sredstava.

Na sjednici Skupštine raspravljalo se o radu Turističke zajednice i o problemima u radu sa kojima se susretala Turistička zajednica ZDK u 2004.god..

Međutim, i pored teške finansijske situacije Turistička zajednica je uspjela da se održi i u Bilansu uspjeha ostvari prihode nad rashodima.

Prilikom usvajanja Programa rada i Finansijskog plana za 2005.godinu, naglašeno je da će realizacija planiranih aktivnosti zavisiti od priliva finansijskih sredstava.

Plan prihoda i rashoda za 2005.godinu je usvojen uz zaključak da se Vladi ZDK upute prijedlozi sa ove Skupštine u kome se traže:

- izrada strategije razvoja turizma na ZDK
- smanjenje naknade za kategorizaciju hotela, motela i pansiona
- subvencionirano kreditiranje ulaganja u razvoj turizma

Turističko vijeće u 2005.godini održalo je deset sjednica na kojima su uglavnom bili prisutni svi članovi Vijeća.

Na sjednicama su razmatrana mnogobrojna pitanja odnosno dogovaralo se o realizaciji planiranih aktivnosti i donešene su mnoge odluke od kojih ćemo nabrojati samo najvažnije:

- Odluka o usvajanju Godišnjeg obračuna
- Odluka o usvajanju Izvještaja Komisije za popis na dan 31.12.2004.godine
- Odluka o usvajanju Programa učešća Turističke zajednice ZDK na „Čimburijadi 2005.“
- Odluka o ustupanju poslovnog prostora u ITC na Smetovima neposrednom pogodbom
- Odluka o odobravanju sredstava za učešće u izgradnji ski – lifta u Varešu
- Odluka o odobravanju sredstava za učešće u obnovi Planinarskog doma na Liscu
- Odluka o odobravanju sredstava za postavljanje nadstrešnice sa klupama na Bobovu u Varešu
- Odluka o odobravanju sredstava za nabavku raft čamca za potrebe Rafting kluba „Krivaja“
- Odluka o javnom nadmetanju i imenovanju komisije za pribavljanje najpovoljnijeg ponuđača za dizajniranje i štampanje turističkih prospekata Turističke zajednice ZDK
- Odluka o prihvatanju projektnog zadatka za izradu idejnog i izvedbenog projekta za izgradnju sportsko – rekreacionih terena za kampovanje na Smetovima
- Odluka o odobravanju sredstava za finansijsku pomoć u projektu za izradu Studije Turističko – rekreativne i baleološke zone područja Kiseljak u Tešnju
- Odluka o odobravanju sredstava za sanaciju i adaptaciju vode „Kosovac“ u Tešnju
- Odluka o odobravanju sredstava za učešće u rekonstrukciji i uređenju pješačkog drvenog mosta u Tešnju
- Odluka o prezentaciji turističke ponude Zeničko – dobojskog kantona na sajmu turizma, hrane i opreme „Vlašić expo-tours 2005.“
- Odluka o izmjenama i dopunama Pravilnika o radu
- Odluka o sufinansiranju ekoloških projekata na nivou ZDK
- Odluka o prihvatanju ponude za izradu plakete „Zlatni, srebrni i bronžani oval 2005.“
- Odluka o odobravanju sredstava za učešće u finansiranju projekta „Dolina tvrđava“
- Odluka o usvajanju Kriterija za izbor najljepšeg cvjetnjaka i balkona za 2005.godinu
- Odluka o izboru najpovoljnije ponude za štampanje turističkih projekata
- Odluka o usvajanju Polugodišnjeg obračuna za period 01.01.-30.06.2005.g
- Odluka o odobravanju sredstava za izradu i montažu šanka u fast food-u i trpezariji
- Odluka za izvođenje završnih radova na uređenju i opremanju vanjskog prostora oko ITC-a
- Odluka za izvođenje radova za zaštitu fasade ITC-a na Smetovima
- Odluka za zatvaranje terase na ITC-u na Smetovima
- Odluka o nabavci opreme za ITC na Smetovima
- Odluka o nabavci i ugradnji kanti za otpatke i izradi ognjišta na Smetovima
- Odluka za postavljanje vrata i zatvaranje prostora na terasi u ITC- na Smetovima

- Odluka o usvajanju Rebalansa plana za 2005.godinu
- Odluka o sponzoriranju prezentacije bosanskog planinskog sela na „ZEPS-u 2005.“
- Odluka o prenosu na upravljanje i korištenje ski lifta u Kaknju
- Odluka o izboru najpovoljnije ponude za izradu šah polja u Žepču
- Odluka o prenosu šahovskih figura iz Zenice u Žepče
- Odluka o učešću u finansiranju Projekta produkcije filma u općini Tešanj za televizijsko emitiranje

Treba naglasiti da je u 2005.godini realizirana odluka o učešću Turističke zajednice u finansiranju izgradnje ski lifta u Olovu u iznosu od 2.500,00 KM, koja je donešena još u 2003.god.

U 2005.godini realizirane su odluke donešene u 2004.godini, tj. odluke koje se odnose na učešće u izgradnji lovačke kuće Planinarskog durštva „Orlovik“ u Žepču u iznosu od 5.000,00 KM i učešće u izgradnji rezervoara pitke vode u planinarskom domu Planinarskog društva „Visočica“ u Visokom u iznosu 3.000,00 KM.

Ove odluke nisu realizirane u 2004.godinu iz razloga što podnosioci zahtjeva nisu dostavili potrebnu dokumentaciju te se obaveza njihove realizacije prenijela u 2005.godinu.

Na sjednicama Turističkog vijeća pored navedenog raspravljalo se i o zahtjevima za donacijama i sponzorstvima, a isti su se odobrali u skladu sa Kriterijima o sponzorstvima i donacijama za:

- „Rafting na Krivaji“
- „Izbor Miss i Mister Ze – Do kantona za 2005“
- „Izbor najboljih sportista, sportskih radnika i sportskih društava za 2004.“
- Međunarodna smotru folklora „Tešanj 2005“
- „Motorijada 2005“
- „Zeničko ljeto 2005.“
- „Žepačko ljeto 2005.“
- Večer rukotvorina „Žepče 2005.“
- Bajramski turnir u fudbalu „Zenica 2005.“
- Foto safari na Vranduku
- Promocija kratkometražnog igranog filma „Makovo zrno“
- Uređenje izletišta „Zeleni vir“ u Olovu
- Uređenje prilaza Ponjeračko – Boganjskoj pećini u Olovu
- Raspjevana jesen u Zavidovićima
- 2. ekipno kadetsko prvenstvo u šahu u Zenici
- Festival bosanskohercegovačke drame u Zenici
- 10. šampionat BH u amaterskom radio goniometrisanju na Smetovima

Nadzorni odbor održao je dvije sjednice u 2005.godini. Na prvoj sjednici razmatrani su:

1. Usvajanje zabilješke sa prethodne sjednice
2. Razmatranje Izvještaja o radu Turističke zajednice ZDK za 2004.godinu
3. Razmatranje Izvještaja o ostvarenim prihodima i rashodima za 2004.godinu
4. Razmatranje Izvještaja o izvršenom nadzoru

Predsjednik Nadzornog odbora, gospodin Abazović je konstatovao da je Nadzorni odbor u 2004.godini održao dvije sjednice i u okviru satutarnih ovlaštenja i obaveza izvršio nadzor o vođenju poslova, materijalnom i finansijskom poslovanju i raspolaganju sredstvima, te izvršenju i provođenju programa rada i finansijskog plana Turističke zajednice ZDK.

Na poslovanje Turističke zajednice nije bilo primjedbi, a relevantan je i Izvještaj inspekcijskih organa Porezne uprave koji su izvršili kontrolu poslovanja Turističke zajednice za period 01.01.2000. – 20.10.2004.godine i tom prilikom konstatovali da je poslovanje i izvršavanje društvenih obaveza Turističke zajednice u posmatranom periodu vršeno u skladu sa propisima.

Predsjednik Skupštine i Turističkog vijeće Turističke zajednice ZDK je u 2005.godini u skladu sa svojim ovlaštenjima korektno obavljao ovu dužnost, blagovremeno zakazivao sjednice i usmjeravao rad članova Skupštine i Turističkog vijeća i kontinuirano pratio rad Turističkog ureda i Direktora.

Na drugoj sjednici Nadzornog odbora, održanoj u decembru 2005.godine, razmatrani su:

- Izvještaj o radu TZ ZDK za I-X 2005.godine
- Izvještaj o ostvarenim prihodima i rashodima za I-X 2005.godine sa ocjenom ostvarenja do kraja godine

Izvještaj o radu za I-X 2005.godine jednoglasno je usvojen uz konstataciju da se više sredstava treba ulagati u infrastrukturu, a istovremeno što manje sredstava davati za finansiranje manifestacija.

Izvještaj o ostvarenim prihodima i rashodima za period I-X 2005.godine sa ocjenom ostvarenja do kraja 2005.godine jednoglasno je usvojen uz konstataciju da su svi prihodi i rashodi urađeni u skladu sa odlukama Turističkog vijeća, direktora i Pravilnika o javnim nabavkama.

REALIZACIJA PROGRAMSKIH AKTIVNOSTI ZA 2005.GOD.

INVESTICIONA ULAGANJA

Izgradnja objekta Informativno – turističkog centra u rekreacionoj zoni Smetovi kod Zenice

Turistička zajednica Zeničko – dobojskog kantona u 2004.godini započela je izgradnju Informativno – turističkog centra u rekreacionoj zoni Smetovi kod Zenice.

S obzirom da izvođač radova nije ispoštovao rokove izgradnje, objekat je završen u 2005.godini.

Pored radova predviđenih projektom, radi bolje zaštite objekta, morali su se izvesti radovi na dodatnoj zaštiti fasade. Takođe, radi zaštite terase od klimatskih uslova, dodatno su izvedeni radovi na zatvaranju terase.

Puštanjem objekta u funkciju, Turistička zajednica je prostoriju namijenjenu za kancelariju opremila uredskim namještajem te je zaposleno jedno lice kao turistički animator i dva lica na poslovima noćnog čuvara.

Na javni poziv za ustupanje na korištenje poslovnog prostora namijenjenog za trgovinu, odazvao se jedino TP “Market komerc” iz Zenice, čiju ponudu je prihvatilo Turističko vijeće. Prodavnica je počela sa radom u septembru mjesecu.

Za ostale poslovne prostore nije bilo interesenata.

Radovi na vanjskom uređenju započeti su sa okončanjem radova na objektu. Turističko vijeće Turističke zajednice ZDK donijelo je odluku da se pribavi ponuda za izvođenje poslova na vanjskom uređenju i sa potencijalnim izvođačem zaključi ugovor neposrednom pogodbom. Ugovor je zaključen sa firmom "Palir" koja je u ugovorenom roku završila radove na vanjskom uređenju, a to su poslovi koji se odnose na nasipanje zemljišta oko objekta, izradu pristupnih staza, ozelenjavanje slobodne površine, zasađivanje ukrasnog drveća, uređenje dječijeg zabavnog parka ispod objekta. Postavljen je kontejner u blizini objekta, a donešena je odluka o postavljanju korpi za otpatke na području Smetova čija realizacija je prolongirana za proljeće 2006.godine.

Objekat ITC je priključen na elektro mrežu u skladu sa Ugovorom o izvođenju radova priključka na elektro mrežu zaključenim sa JP Elektroprivreda BH Elektrodistribucija Zenica.

Izgradnja vodovoda u rekreacionoj zoni Smetovi

Projekat izgradnje vodovoda nije mogao biti realiziran u 2004.godini, zbog neriješenih imovinsko – pravnih odnosa na prostoru gdje bi trebao biti izgrađen rezervoar, zbog čega nije mogla biti pribavljena potrebna dokumentacija. Iz tog razloga na jednoj od sjednica Turističkog vijeća donešena je odluka da se nađe privremeno rješenje za snabdijevanje ITC-a vodom do izgradnje glavnog vodovoda. Sa Savezom izviđača općine Zenica, dogovoreno je da se ITC privremeno priključi na njihov rezervoar, što je blagovremeno i realizirano.

Turističko vijeće je donijelo Odluku o raspisivanju poziva za javno nadmetanje za ustupanje radova na izgradnji objekta vodovoda na Smetovima, kada se za to stvore uslovi odnosno kada se razriješe imovinsko – pravni odnosi na zemljištu, na kojem bi trebao biti izgrađen rezervoar. Rješenje ovih pitanja je u toku.

Izrada projekta za izgradnju i izgradnja sportskih terena za košarku, rukomet i mali nogomet

Nakon završetka radova na objektu ITC na Smetovima, da bi se stvorili uslovi za razvoj turizma na ovom području, neophodno je izgraditi male sportske objekte za rekreaciju. U tom cilju, Turistička zajednica je raspisala poziv za izradu idejnih projekata za izgradnju sportsko – rekreacionih terena i prostora za kampovanje na Smetovima, rekonstrukciju i sanaciju javne rasvjete na parkingu i stvaranje uslova za priključak kamp prikolica na parkingu na Smetovima.

Izvedbeni projekat kao i njegova realizacija ući će u program rada za 2006.godinu.

Izdavačka djelatnost

S obzirom da je u 2004.godini izvršena priprema radne verzije prospekata turističke ponude Zeničko – dobojskog kantona, u 2005.godini štampani su turistički prospekti za svaku općinu sa područja našeg Kantona pojedinačno i prospekti u kojima je u cjelini obuhvaćena turistička ponuda našeg Kantona. U prospektima, koji su štampani dvojezično (na bosanskom/hrvatskom i engleskom jeziku), detaljno je obrađena turistička ponuda svake općine sa mapom grada i osnovnim servisnim informacijama. Promocija ovih prospekata izvršena je na sajmu ZEPS, na kojem je naišla na pozitivne kritike stručnjaka i građana.

Turistička zajednica ZDK je otkupila jedan broj knjiga i časopisa u kojima se promovira turizam Bosne i Hercegovine, Federacije i Kantona. Pored toga što ove knjige služe kao stručna literatura u oblasti turizma, koju koriste zaposlenici i članovi Turističkog vijeća, knjige su date kao pokloni kulturno – umjetničkim i sportskim društvima koja su odlazila u posjete u inostranstvo ili su primali posjete iz drugih gradova i zemalja.

U izvještajnom periodu, Turistička zajednica je otkupila veći broj DVD-a Gradskog omladinskog hora iz Zenica na kojem su predstavljene turističke destinacije i turistički potencijali Zeničko – dobojskog kantona sa muzičkom podlogom Hora.

Održavanje Web stranice

U 2004. godini na internet je postavljena naša web stranica www.turizam-zdk.net. S obzirom da postoji mogućnost ažuriranja podataka na našoj stranici, redovno su se unosile izmjene i vršile dopune. Na osnovu statističkih podataka došli smo do zaključka da je naša stranica izuzetno posjećena. Naime, na našu mailing listu prijavljeno je ukupno 230 lica, a samo u ovoj godini bilo je ukupno 12.348 posjeta od čega su stranice pregledane 94.517 puta. Što se tiče država iz kojih su bili najčešći posjetioci, prednjači SAD zatim Bosna i Hercegovina, Evropska unija, Hrvatska, Italija, SCG i druge zemlje. Posmatrajući posjećenost naše stranice po mjesecima možemo konstatovati da je posjećenost rasla iz mjeseca u mjesec, tako da je zabilježena najveća posjećenost u novembru mjesecu ove godine. Iz ovih podataka može se zaključiti da je naša web stranica izuzetno posjećena i da bi održali ovaj nivo odnosno da bi se povećala posjećenost, neophodno je da se redovno dopunjava novim podacima i potrebno je na neki način inovirati, kako bi i dalje bila interesantna ljudima iz zemlje i inostranstva.

Nastupi na sajmovima

Turistička zajednica Zeničko – dobojskog kantona je u 2005. godini imala zapažen nastup u prezentiranju turističke ponude našeg Kantona na nekoliko sajmova, koji su se održavali u Bosni i Hercegovini.

➤ Učešće na sajmu “Vlašić-Expo tours” (16.06-18.06.)

Sajam “Vlašić – Expo tours” je sajam koji se već drugu godinu zaredom održava u poznatom zimskom centru Vlašić. Sajam je bio izuzetno posjećen, a turistička ponuda našeg Kantona je prezentirana putem prospekata, DVD i CD.

➤ Učešće na sajmu “Eko – bis” (08.09.- 11.09.)

Sajam “Eko – bis” već nekoliko godina se organizuje uspješno u Bihaću. Turistička zajednica je svoje turističke potencijale prezentirala putem prospekata, postera i DVD. Posjećenost našeg štanda je bila izuzetno velika, tako da možemo biti zadovoljni učešćem na ovom sajmu.

➤ Učešće Turističke zajednice ZDK na „ZEPS-u 2005“ (04.10.-09.10.)

Na «ZEPS-u 2005» na jednom štandu predstavljena je turistička ponuda Bosne i Hercegovine u okviru koje je nastupila i Turistička zajednica Zeničko – dobojskog kantona.

Ovo se pokazalo kao veoma uspješno, što dokazuje i izuzetno dobra posjećenost štanda kao i pohvale posjetilaca.

Svoju turističku ponudu bogato je predstavio Tuzlanski, Sarajevski, SBK, Hercegovačko – neretvanski i Unsko – sanski kanton.

Štand su posjetili predsjednik Federacije BiH, ambasador Republike Mađarske, predstavnici općinskih vlasti i drugi.

Turistička zajednica ZDK je prezentirala turističku ponudu Ze – do kantona putem novih prospekata, postera i video prezentacije. Kulturno zabavni program izveo je Ansambl Bosnia folk iz Zenice, koji je pjesmom i folklorom privukao veliki broj posjetilaca.

Na ovom sajmu podijeljen je obiman turističko – prospektni materijal

➤ *Učešće na sajmovima turizma u zemlji i inostranstvu*

Pored navedenih, Turistička zajednica ZDK je u okviru TZ Federacije BiH i Turističkog udruženja BiH, učestvovala na niz sajmova turizma u zemlji i inostranstvu i redovno prezentirala turističku ponudu našeg Kantona.

Naročito zapažena prezentacija naše turističke ponude bila je na sajmovima u Sarajevu, Gradačcu, Banjoj Luci, Jahorini.

Reklama i propaganda

U toku 2005.godine, mediji su pokazali izuzetan interes za turističke potencijale našeg Kantona, tako da je ostvarena intenzivna saradnja sa štampanim i elektronskim medijima. Sa novinskim preduzećem “Naša riječ” zaključen je Ugovor o saradnji na osnovu koga su objavljivane propagandne poruke Turističke zajednice za vrijeme praznika, oglasi i obavještenja, tokom čitave godine štampan je promotivni logotip Turističke zajednice, a u posebnim prilikama objavljivane su i određene propagandne reportaže.

Ostvaren je veliki broj kontakata sa novinarima, naročito iz štampanih medija, a povremeno su se finansirali promotivni tekstovi o turističkoj ponudi našeg Kantona.

Putem Federalne televizije prezentirana je turistička ponuda Zenice.

Lokalne i TV stanice pratile su naše akcije “Izbor najboljih cvjetnjaka”, “Izbor najboljih restorana”, “Čimburijada 2005.” i “Rafting na Krivaji”.

Poseban interes bio je za snimanje srednjovjekovnih tvrđava i spomenika, krajolika, sportskih i kulturnih objekata značajnih za turizam.

Turistička zajednica je učestvovala u aktivnostima drugih koji su na indirektan način vršili promociju turizma i turističke ponude Kantona.

Među značajnije aktivnosti putem kojih je vršena promocija turizma i turističke ponude našeg Kantona su:

- Izbor sportiste Ze-do kantona za 2004.godinu
- Izbor Miss i Mistera ZDK za 2004.godinu
- Međunarodna smotra folkloru u Tešnju
- Motorijada i smotra oldtajmera u Zenici
- Žepačko ljeto

- Zeničko ljeto
- Raspjevana jesen u Zavidovićima
- Foto safari na Vranduku
- Bajramski turnir u Zenici
- Ostale kulturno – zabavne manifestacije

Ulaganja u ekološke aktivnosti

U okviru planiranih ekoloških aktivnosti, Turistička zajednica je finansirala tri projekta udruženja “Eko BiH” ZDK i to:

1. „Zbrinjavanje otpada u ruralnim sredinama ZDK“,
2. „Sa gradovima do čistog vodotoka“,
3. „Kantonalna eko škola Smetovi“.

Izgradnja šah polja

Zbog iskazanog interesa za izgradnju šah polja, Programom rada za 2005.godinu predviđena je izgradnja šah polja u Žepču i u krugu bolnice u Zenici.

Šah polje u Žepču je izgrađeno a figure su prenešene iz Zenice. S obzirom da nije iskazan interes za izgradnju šah polja u krugu bolnice u Zenici, ova tačka programa rada nije realizirana.

Priručnik za edukaciju turističkih vodiča

Radi osposobljavanja turističkih vodiča, a na zahtjev Federalnog ministarstva trgovine i turizma, sačinjen je priručnik za edukaciju turističkih vodiča za područje našeg Kantona. S obzirom da su iz Federalnog ministarstva tražili da se dostave prijedlozi stručnih lica koja bi učestvovala u pripremi kandidata i polaganju ispita za turističke vodiče našeg područja, Turističko vijeće je predložilo dva kandidata i to gospodina Čabaravdić Omera i gospodina Dujmović Ivicu.

“Čimburijada 2005”

Čimburijada je tradicionalna manifestacija koja se u Zenici organizuje prvog dana proljeća. Turistička zajednica ZDK se ove godine predstavila sa bogatim kulturno – zabavnim i sportskim programom.

U ranim jutarnjim satima goste Turističke zajednice ZDK i građane Zenice pozdravio je Duvački orkestar KUD-a «Željezara» Zenica. Zeničkoj publici su se sa bogatim folklornim programom predstavili gosti iz Mađarske i Turske.

Zapažen je nastup Ansambla «Bosnia folk» koji je goste i prisutne građane zabavljao spletom narodnih igara i pjesama sa našeg područja, a poznati zenički reper Sani Terzić na našem štandu je promovisao svoj prvi CD.

U suradnji sa Društvom pedagoga fizičke kulture organizovana su sportsko - rekreativna takmičenja učenika osnovnih škola sa područja Zenice.

Učenici su se takmičili u dvije discipline i to:

- štafetno trčanje u vrećama
- nadvlačenje konopca

Takmičarima su uručene kape i majice sa amblemom i znakom Turističke zajednice ZDK.

Savez izviđača Zenice je izvršio promociju Ekološke patrole, a za njihove članove su nabavljeni odgovarajući prsluci i kape sa odgovarajućim znakom i natpisom Turističke zajednice ZDK. Od ranih jutarnjih sati naš štand su posjetile visoke zvanice i uz čimbur uživali u našem bogatom kulturno – zabavnom i sportskom programu.

Turistička zajednica ZDK je dogovorila sa RTV Zenica snimanje reportaže sa Čimburijade, tako da su novinari ove medijske kuće od jutarnjih sati bili prisutni na Kamberovića polju i napravili video zapis najznačajnijih događanja na našem štandu i na «Čimburijadi 2005».

Izbor najljepšeg cvjetnjaka i balkona 2005.god.

U cilju što većeg podsticanja građana na uređenju vlastitih cvjetnjaka i balkona i ove godine je održana akcija za izbor najljepših cvjetnjaka i balkona u svim općinama na području Kantona.

U Visokom je izbor obavljen u organizaciji općine Visoko, a u općinama Žepče, Usora i Doboj-jug nije bilo dovoljno prijavljenih, pa nije bilo potrebe niti smisla da se takav izbor i vrši.

U ostalim gradovima odziv građana bio je izuzetno dobar i u odnosu na prošlu godinu broj prijavljenih je znatno veći.

Akcija je praćena kako u elektronskim tako i u štampanim medijima.

Formirane su komisije koje su činili zaposlenici Turističke zajednice i ovlašteni predstavnici.

Nakon završene akcije izvršen je izbor najboljih cvjetnjaka i balkona, što nije bio nimalo lak zadatak za članove komisija.

Dodjela nagrada i priznanja izvršena je u svim gradovima na prigodan način.

Izbor najboljih restorana na području ZDK

U cilju unapređenja ugostiteljske djelatnosti, Programom rada za 2004.godinu predviđena je aktivnost izbora najboljih restorana. Napravljeni su Kriteriji za izbor najboljih restorana, a u konkurenciju za izbor najboljih restorana mogli su ući restorani koji su imali odobrenje za rad ugostiteljskog objekta tipa “restoran”, u kojima se pripremaju i uslužuju gosti sa više od pet vrsta toplih jela i koji imaju trpezariju sa najmanje 30 konzumnih mjesta.

Ocjenjivanje kvaliteta restorana izvršile su komisije koje su sačinjavali ovlašteni predstavnici u svim mjestima i stručna lica iz Turističkog ureda. Predviđena je dodjela nagrada u tri kategorije i to: zlatni, srebrni i bronzani oval.

S obzirom da je akcija održana pred Novu godinu, proglašenje najboljih izvršeno je u 2005.godini, u hotelu “Kristal” u Zavidovićima.

Manifestaciji proglašenja prisustvovali su skoro svi predstavnici restorana sa područja našeg Kantona. U prijatnoj atmosferi podijeljene su plakete i priznanja najboljima.

Ostala ulaganja u opremanje i uređenje izletišta

Na području općine Olovo Turistička zajednica finansijski je pomogla postavljanje hladnjaka na poznatom izletištu Zeleni vir. Takođe, pružena je finansijska pomoć za uređenje prilaza Ponjeračkoj pećini u blizini Olova koja je posebno zanimljiva za razvoj turizma ovog područja.

U 2003.godini Turističko vijeće je donijelo odluku da finansijski pomogne instaliranje ski lifta u Olovu. Iz objektivnih razloga ovi poslovi se nisu mogli izvršiti ni u 2004.godini, te je konačna realizacija ove odluke izvršena u 2005.godini. Izgradnja ski staze i postavljanje ski lifta u blizini Olova omogućit će djeci i omladini da zimske dane provedu na novom olovskom skijalištu.

Na zahtjev općine Vareš, Turistička zajednica je finansijski pomogla izmještanje i postavljanje ski lifta na lokaciju na kojoj je omogućeno nesmetano skijanje.

U cilju unapređenja i razvoja turizma u općinama našeg Kantona, Turistička zajednica je sprovela aktivnosti i ulaganja u infrastrukturu i turističke objekte.

U ovoj godini Turistička zajednica je učestvovala u finansiranju:

- adaptacije lovačke kuće u Žepču
- izrada šah polja u Žepču
- izgradnje nadstrešnica na izletištu u Maglaju
- izgradnji vodovoda kod planinarskog doma na Visočici u Visokom
- izgradnje planinarskog doma na Liscu kod Zenice
- izradi nadstrešnice kod Kraljeve Sutjeske u općini Kakanj
- sanaciji i rekonstrukciji pješačkog mosta preko rijeke Tešanjka u Tešnju
- sanaciji i adaptaciji izvora vode "Kosovac" u Tešnju
- Finansiranje postavljanja ski lifta u Olovu

Za izradu projekta Studije Turističko – rekreativne i baleološke zone područja "Kiseljak" u Tešnju donešena je odluka ali nije došlo do njene realizacije iz nama nepoznatih razloga.

"5. međunarodni rafting na Krivaji"

U cilju podsticanja, unapređenja i promicanja turizma na području općina Olovo i Zavidovići kroz koje cijelim tokom protiče rijeka Krivaja, organizovan je rafting. Sa organizacijom Raftinga počelo se u januaru 2005.godine. Izabran je Organizacioni odbor koji je brojao 11 članova, a pored Turističke zajednice ZDK, organizatori ovogodišnjeg Raftinga su: Općina Olovo, Općina Zavidovići, općina Vareš, PD "Smolin" Olovo, PD "Tajan" Zavidovići i Kajakaški savez BiH.

Rafting je otvorio Načelnik općine Olovo i uz veliki broj učesnika otpočeo je u petak 27.05.2004.god. a završio u nedjelju 29.05.2004.godine. Završna ceremonija na kojoj su dodijeljena priznanja učesnicima i organizatorima održana je u restoranu "Panorama" u Zavidovićima.

Ove godine je zabilježen najveći broj učesnika i organizatori su izuzetno zadovoljni odzivom.

Rad Turističkog ureda

Sve aktivnosti tijela Turističke zajednice odvijale su se kroz rad Turističkog ureda.

U Turističkom uredu je, pored direktora, zaposleno još pet lica od kojih je dvoje zaposleno u Zavidovićima.

Tokom cijele godine u Zenici je bilo zaposleno jedno lice na određeno vrijeme i u skraćenom vremenu, za obavljanje poslova čišćenja i kurirskih poslova. U septembru mjesecu zaposleno je jedno lice na poslovima turističkog animatora na Smetovima. Pored turističkog animatora za poslove noćnog čuvara angažovana su dva lica po osnovu ugovora na određeno vrijeme dok se ne riješi konačan status prostora za ugostiteljsku djelatnost.

Turistički ured je obavljao sve administrativne i stručne poslove za Turističku zajednicu i njena tijela, pripremao materijale i organizirao sjednice tijela Turističke zajednice, sprovodio aktivnosti predviđene programom rada sve u okviru svojih ovlaštenja, prava i obaveza utvrđenih Zakonom i drugim propisima.

Turistički ured je relativno dobro opremljen tehničkim sredstvima, tako da nije bilo smetnji sa tog aspekta da se poslovi obavljaju normalno.

U okviru rada Turističkog ureda, obavljane su stalne konsultacije sa Federalnom turističkom zajednicom, Federalnim ministarstvom, kantonalnim i općinskim organima, kada se za to ukazala potreba.

Isto tako, Turistički ured je održavao stalnu saradnju sa općinskim organizacijama i udruženjima čija je djelatnost u neposrednoj vezi sa turizmom.

Zenica, januar 2006.godine

Izvjestaj sastavila:
Sanda Spahić